



ORDENANZA REGULADORA DA TAXA POR SERVIZOS DE DISTRIBUCIÓN DE AUGA, GAS, ELECTRICIDADE E OUTROS ABASTECIMENTOS PÚBLICOS INCLUÍDOS OS DEREITOS DE ENGANCHE DE LIÑAS E COLOCACIÓN E UTILIZACIÓN DE CONTADORES E INSTALACIÓNS ANÁLOGAS, CANDO DITOS SERVIZOS OU SUBMINISTROS SEXAN PRESTADOS POR ENTIDADES LOCAIS

Artigo 1. Natureza e fundamento

No uso das facultades concedidas polos artigos 133.2 e 142 da Constitución, polo artigo 106 da Lei 7/85, de 2 de abril, reguladora das bases do réxime local, e os artigos 20 e 58 da Lei 39/88, de 28 de decembro, e de conformidade co disposto nos artigos 15 a 19 da Lei 39/88, de 28 de decembro, acorda a imposición e ordenación da Taxa por servizos de distribución de auga, gas, electricidade e outros abastecementos públicos incluídos os dereitos de enganche de liñas e colocación e utilización de contadores e instalacións análogas, cando ditos servizos ou subministros sexan prestados por entidades locais.

Artigo 2. Feito imponible

Constitúen o feito imponible da Taxa a prestación dos servizos de distribución de auga, gas, electricidade e outros abastecementos públicos incluídos os dereitos de enganche de liñas e colocación e utilización de contadores e instalacións análogas.

Artigo 3. Suxeitos pasivos

- Serán suxeitos pasivos contribuíntes as persoas físicas ou xurídicas e as entidades ás que se refire o artigo 33 da Lei xeral tributaria que ocupen ou utilicen as vivendas e locais situados nos lugares, prazas, rúas ou vías públicas nas que se preste o servizo, xa sexa a título de propietario ou de usufructuario, habitacionista, arrendatario ou incluso de precario.

- Terán a consideración de suxeitos pasivos substitutos do contribuínte os propietarios



das vivendas ou locais que poderán repercutir, no seu caso, as cotas satisfeitas sobre os usuarios daquelas, beneficiarios do servizo.

Artigo 4. Responsables

- Serán responsables solidarias das obrigas tributarias dos suxeitos pasivos as persoas físicas e xurídicas ás que se refiren os artigos 38.1 e 39 da Lei xeral tributaria.
- Serán responsables subsidiarios os administradores das sociedades e os síndicos, interventores ou liquidadores de quebras, concursos, sociedades e entidades en xeral, nos supostos e co alcance que sinala o artigo 40 da Lei xeral tributaria.

Artigo 5. Cota tributaria

A cota desta taxa será a que figura no anexo desta ordenanza.

Artigo 6. Beneficios fiscais

Só se admitirán os beneficios que veñan establecidos nas normas con rango de lei ou deriven de tratados ou acordos internacionais.

Artigo 7. Percepción

A) Cando se trate de servizos non periódicos:

Percíbese a taxa e nace a obriga de contribuír cando se presente a solicitude de prestación do servizo ou actividade.

B) Cando se trate de servizos periódicos:

Percíbese a taxa e nace a obriga de contribuír o primeiro día de cada ano natural, excepto no momento da alta no Padrón, caso no que se percibirá a partir dese mesmo momento.



Artigo 8. Liquidación

A) Cando se trate de servizos non periódicos:

- Cando se trate de servizos ou actividades cunha liquidación que se poida cuantificar no momento de presenta-la solicitude de prestación, liquidarase nese mesmo momento ou no momento posterior, pero sempre antes de presta-lo servizo ou de realiza-la actividade.
- Cando se trate de servizos ou actividades cunha liquidación que non se poida cuantificar no momento de presenta-la solicitude da prestación do servizo ou da realización da actividade, practicarase a liquidación unha vez prestado o servizo ou realizada a actividade.
- Se realiza a prestación do servizo ou a actividade sen mediar solicitude, liquidarase e notificarase a taxa tan pronto se detecte esta situación, esixíndose o ingreso nos prazos previstos no Regulamento xeral de recadación para a liquidación de contraído previo, sen prexuízo de abri-lo oportuno expediente sancionador por infracción tributaria.

B) Cando se trate de servizos periódicos:

Practicarase a liquidación única anual ou coa periodicidade que se determine nas tarifas desta taxa.

Artigo 9. Ingreso

O pagamento desta taxa realizarase:

- Cando se trate de liquidacións cunha cuantificación que se poida efectuar antes de presta-lo servizo ou de levar a cabo a actividade, realizarase o ingreso antes da prestación do servizo ou realización da actividade na Tesourería municipal ou nas entidades financeiras que se sinalen na liquidación.



- Cando se trate de liquidacións cunha cuantificación que non se poida efectuar con anterioridade á prestación do servizo ou realización da actividade, farase o ingreso nos prazos e lugares que se sinalen na liquidación.
- Cando se trate de liquidacións periódicas, nos prazos e nos lugares que se sinalen no edicto de exposición ó público.

Artigo 10. Infraccións e sancións

Nesta materia estarase ó disposto na Lei xeral tributaria e normativa de desenvolvemento.

Artigo 11. Normas de xestión

- As persoas ou entidades interesadas na prestación dos servizos que se citan no artigo segundo desta ordenanza, deberán presentar solicitude por escrito na que se detalle o lugar para o que se solicita e demais requisitos que esixa cada concello.

- Unha vez autorizada a prestación do servizo entenderase prorrogado mentres non se presente a declaración de baixa polo interesado, a non ser que se trate de servizos non periódicos.

-Cando remate a necesidade do servizo, por cambio de propietario ou declaración de ruína do inmovible, os suxeitos pasivos substitutos do contribuínte formularán as declaracións de baixa no Padrón da taxa e surtirá efectos no período natural seguinte ó da súa presentación, podendo, no seu caso, prorratearse polo período de liquidación das tarifas. A non presentación da baixa determinará a obriga de continuar aboando a taxa.

DISPOSICIÓN ADICIONAL ÚNICA

Cando existan os convenios de colaboración ós que fai referencia o artigo 27.2 da Lei



39/88, do 28 de decembro, os procedementos de liquidación e recadación regulados nos artigos 8 e 9 desta ordenanza cederán ante a regulación prevista nos convenios.

DISPOSICIÓN FINAL

A presente ordenanza fiscal, cunha redacción definitiva aprobada polo Pleno da corporación na sesión que tivo lugar na data que se expresa no anexo a esta ordenanza, entrará en vigor o día 1 de xaneiro de 2005.

ANEXO I

TAXA POR SUBMINISTRO DE AUGA

ANEXO I

Uso doméstico e industrial:

- Consumo mínimo 8 m³/ab.mes, a 0,2235 €/ m³.
- De 9 a 25 m³/ab.mes a 0,2347 €/m³.
- A partir de 25 m³ a 0,3129 €/m³.
- Abonados sen contador ou con contador avariado 37,98 €/mes.

Uso de obras:

- Dende 19 a 200 m³ 0,3798 €/m³ (Mínimo 18 m³/mes)
- A partir de 200 m³ 0,5028 €/m³
- Abonados sen contador ou con contador avariado, 34,47 €/mes.

Por Conexión:

- 293,26 € por conexión á rede.
- En vivendas colectivas, por enganche á rede 529,55 €.

ANEXO II PREZOS DE ACOMETIDAS E CONTADORES

Realízase o cálculo para a acometida normal de 5,00 m. de lonxitude máxima (1 a 5 m.).

MATERIAIS

- Collarín de toma
- Enlaces
- Tubería de P.E.: 1 a 5 m.



- Chave de paso
- Tapa de fundición de 15 x 25

OBRA CIVIL

- Arqueta para colocación de tapa de 15 x 25
- Lonxitude de gabia: 1 a 5 m. (apertura, cerre e reposición de pavimento)

Fanse prezos diferentes dependendo do diámetro da acometida e do tipo de reposición a realizar na gabia.

<u>Ø Acometida</u>	<u>Terra (A)</u>	<u>Asfalto (B)</u>	<u>Baldosa-beirarrúa (C)</u>
¾"	182,65	240,93	290,74
1"	200,55	258,29	307,58
1¼"-1½"	265,55	323,84	373,14
2"	316,03	373,13	423,02

Incremento no prezo da acometida para lonxitudes superiores a 5 m.

<u>Acometidas de mais de 5 mts.</u>	<u>¾"</u>	<u>1"</u>	<u>1¼"-1½"</u>	<u>2"</u>
(A) incremento Eur. por m.	9,95	11,60	16,61	27,78
(B) incremento Eur. por m.	21,85	23,52	28,50	39,66
(C) incremento Eur. por m.	26,25	27,89	32,82	44,03

2.- CONTADORES.

2.1.- Contador de 13/15/20 mm. Instalación en batería de contadores ou similar

- Contador
- Válvula antiretorno
- Pezas de conexión

<u>TOTAL</u> 13/15mm	85,91 Eur/ud.
20mm	95,05 Eur/ud.

2.2.- Contador de diámetro superior a 20 mm.

Farase presuposto en cada caso.



2.3.- Contadores (sen instalación)

13 mm.	55,52 Eur/ud.
15 mm.	55,52 Eur/ud.
20 mm.	78,16 Eur/ud.
25 mm.	127,28 Eur/ud.
30 mm.	177,95 Eur/ud.
40 mm.	275,92 Eur/ud.
50 mm.	602,72 Eur/ud.
65 mm.	747,18 Eur/ud.

- **XESTIÓN DE COBRO A IMPAGADOS**

Cobro ós abonados morosos dos gastos ocasionados pola comunicación dos recibos pendentes de pago.

4,36 Eur/ud.

- **DESPRECINTADO DE CONTADORES POR CORTE DE SUBMINISTRO**

Por desprecintado de contador para restablecer o subministro despois do corte do mesmo

28,67 Eur/ud.

- **CONEXIÓN Á REDE DE CONTADORES E PRECINTADO DE RACORES**

Por conexión á rede de contadores instalados polo persoal alleo ó servizo e precintado dos racores.

19,08 Eur/ud.

- **COMPROBACIÓN DE CONTADOR DE ABONADO CON CONTADOR PATRÓN.**

Por comprobación do contador do abonado, a petición do mesmo, e soamente no caso de funcionamento correcto do contador

9,54 Eur/ud.



CONCELLO DA MOI HOSPITALARIA VILA DE MONDARIZ BALNEARIO

- Aprobada polo Pleno en sesión de 14 de outubro de 1998.
- Publicado no BOP de 249 de 30 de decembro de 1998.
- Aprobada a última modificación polo Pleno de 29 de outubro de 2015.
- Publicada no BOP nº 250 de 30 de decembro de 2015.